



八旗通志
初集
(24)

八旗通志初集卷之一百三十七

宗室王公列傳九

貝勒穆爾哈齊

子輔國公達爾察 輔國公喇世塔 孫輔國將軍拉克

貝子吳達海

子鎮國公託克託慧 孫鎮國公楊福 曾孫鎮國公三官保

原封鎮國公韓岱

子輔國公海蘭 輔國公宋固圖 輔國公席布錫倫

貝勒巴雅喇

原封貝勒阿敏

子鎮國公恭安 鎮國公郭蓋 孫輔國將軍塞勒伯

輔國將軍塞克圖

貝子顧爾瑪洪

子鎮國公馬爾圖
僧額鎮國公馬山
鎮國公輔國公

公瓦山
孫奉國將軍索飛

正藍旗青巴圖魯貝勒穆爾哈齊。

顯祖宣皇帝庶妃所生子。

太祖高皇帝第十弟也。初名穆爾哈齊。以驍勇出羣。每遇戰陣。所向無前。

賜號青巴圖魯。乙酉年夏四月。隨

太祖率步騎五百人征哲陳部。值大水。遣衆兵回。留八十人畧地而前。有加哈地方蘇枯賴虎者。潛往告哲陳部主。於是托漠河章甲把爾達撤爾湖界凡五城。俱集兵一處。

太祖恃有後哨。遂深入。敵兵猝至。遙見八百餘人。陳界

凡之渾河。抵南山。我師見敵衆。皆大懼。惟穆爾哈齊及近侍顏布祿兀凌噶。隨。

太祖直前衝擊。奮勇射之。殺二十餘人。竟敗其衆。敵兵悉奔界凡。爭赴渾河而遁。少憩。復隨。

太祖追躡其後。至界凡險隘吉林岡。立其巔。見敗兵五十人趨上山岡。

太祖恐爲敵所見。去盛纓。隱身待之。射其前至一人。貫其脊而殪。穆爾哈齊又射殪一人。餘悉墜崖死。既收軍。

太祖曰。今日之戰。以四人而敗八百之衆。乃。

天助我以勝之也。天命五年九月，穆爾哈齊以疾薨。

太祖親往奠之。順治十年五月，追封多羅貝勒，諡勇壯。

並追封其子達爾察爲輔國公，諡剛毅。達爾察

弟吳達海、韓岱俱別有傳。喇世塔，順治二年二

月，封奉恩將軍。八年三月，超封輔國公。十七年

十一月卒，諡恪僖。喇世塔子拉克達，順治十五

年，封三等輔國將軍。康熙二十九年，隨撫遠大

將軍裕親王福全征厄魯特噶爾丹，叅贊軍務。

七月，破賊於烏闌布通。冬十一月還，以噶爾丹

旣敗，不乘勝勦滅，致窮寇遁逃，未准議叙，兼罷

議政。穆臣者達爾察之子也。順治二年二月授奉恩將軍。六年十月授三等輔國將軍。八年閏二月授三等鎮國將軍。四月授輔國公。十五年五月任正藍旗滿洲固山額真。康熙十二年二月卒。

賜祭葬。諡愨厚。穆臣子勒塞禮。康熙八年正月封二等奉國將軍。十年兼管佐領。三十二年三月噶爾丹與策妄阿喇布坦爭戰。勒塞禮以委署護軍叅領隨西安將軍博濟往甘州寧夏一帶助剿。武將軍孫思克防守。三十三年五月卽授右衛

護軍叅領以佐領俾其子達里虎管之。三十五年。隨撫遠大將軍伯費揚古。征厄魯特噶爾丹。從西路進兵。奮擊賊衆於昭莫多地方有功。加一拖沙喇哈番。授爲二等奉國將軍。三十七年二月還。

京。補本旗護軍叅領。四十三年六月。陞鑲白旗蒙古副都統。尋調黑龍江副都統。五十二年復

詔還京。授正藍旗滿洲副都統。五十三年十月。原品休致。五十六年卒。

固山貝子吳達海。青巴圖魯貝勒穆爾哈齊子。

也。崇德元年。隨睿親王多爾袞征明。攻沙河縣。南和縣。臨洺關。並有功。攻魏縣。同梅勒章京拜克其城。師還。遇馮太監軍。率本固山兵擊敗之。三年。隨揚威大將軍貝勒岳託征明。在開平敗敵兵。獲騾馬五十餘匹。白金一千六百兩。又同固山額真何洛會擊敗沙河敵兵。又同固山額真阿山擊敗三河敵兵。至渾河岸。敵兵布列來戰。同鰲拜巴圖魯擊敗之。至趙州。有步兵數千拒敵。同昂邦章京西特庫等擊敗其衆。進攻山東臨清州。及安邱臨淄等縣。俱破之。大兵出邊。

至密雲。俘二千餘人。四年八月。封三等輔國將軍。五年二月。管鑲白旗梅勒章京事。七年六月。擢任刑部叅政。順治元年。隨睿王多爾袞入山海關。定燕京。追流賊至延安府。城內兵乘夜突出。奮擊之。斬獲甚衆。十月。隨定國大將軍豫親王多鐸南征。由河南至潼關。擊流賊第二營。同固山額真覺羅巴哈納破之。賊遁走。同固山額真庫魯克達爾漢阿賴尾其後。追及僞沈總兵殺之。二年二月。叙克北京功。加爲二等輔國將軍。三年。隨揚威大將軍豫親王多鐸征蘇尼特。

都落騰機思等擊敗土謝圖汗及碩羅汗兵。四年六月。以考滿稱職。加一等輔國將軍。九月。晉三等鎮國將軍。五年三月。同固山額真庫魯克達爾漢阿賴統領官兵駐防漢中。六年四月。帥師往大同。更代前發往英親王阿濟格軍前兵馬。勦叛鎮姜瓖。七年五月。任議政。八年三月。超封固山貝子。任都察院承政。十一年。同定遠大將軍世子濟度統官兵往福建征勦鄭成功。在途中疾甚。奉

命回京。至家數日而薨。

賜祭葬。謚襄敏。子託克託慧。順治六年十月。封三等輔國將軍。八年閏二月。超封鎮國公。康熙八年六月。任宗人府左宗人。十二年三月薨。

賜祭葬。謚端純。子楊福。康熙十八年正月。授三等奉國將軍。三十二年。任右衛護軍叅領。三十五年。從撫遠大將軍伯費揚古。征厄魯特噶爾丹。於昭莫多地方。奮勇擊斃之。三十六年。敘功。由三等奉國將軍。加一拖沙喇哈番。授二等奉國將軍。是年十二月。陞右衛副都統。尋奉調還

京。補正白旗蒙古副都統。三十八年八月。調奉天

副都統四十年二月。陞寧古塔將軍。四十八年。

八月。調黑龍江將軍。五十四年正月。

聖祖仁皇帝諭宗人府云。黑龍江將軍楊福。自簡用歷任以來。居官敬慎。人材壯健。著將伊父託克託慧鎮國公爵。令其承襲。不必入八分公內。是年五月卒。

賜祭葬。諡襄毅。

聖祖御書諭諸大臣等云。聞黑龍江將軍楊福已故。朕心軫惻。伊人材壯健。且係爲君爲國捨身効力之臣。將軍之任。甚屬緊要。伊子三官保。爲人甚孝。住彼已久。熟悉地方情形。目今雨水之時。家口不可行。著十

月內來。此時著三官保署理。俟伊父喪回時。奏明再行定奪。寫此旨時。不覺潸然淚下。是日

賜白金一千兩。

命散秩大臣和碩額駙尚崇義。乾清門侍衛傅森等。馳驛往弔。明年宗人府題請楊福子三官保承襲之處。奉

旨。楊福任將軍以來。甚屬効力。三官保著仍襲鎮國公。其拖沙喇哈番

特恩又加一拖沙喇哈番。爲拜他喇布勒哈番。以三官保弟噶喇瑪襲三官保。初襲父鎮國公爵。六十

一年從征西藏歿於軍。

原封鎮國公韓岱亦青巴圖魯貝勒穆爾哈齊子初封一等奉國將軍尋管蠡章京事崇德二年四月擢議政大臣六年八月隨

太宗文皇帝統大兵征明圍松山明兵乘夜遁走韓岱等率所部追擊大破之八年隨奉命大將軍饒餘貝勒阿巴泰征明入邊之日擊敗明馬總兵又敗范軍門兵敵復率馬步軍來戰連擊俱破之師還出邊明趙軍門率衆犯我鑲藍旗汛地韓岱率前鋒兵敗之往攻霸州指揮士卒奮勇

登城遂克其城。六月因出師有功。

賜銀二百兩。緞六疋。十月由一等奉國將軍加半箇前程。順治元年。隨睿王多爾袞入山海關。擊敗流寇有功。晉封爲三等鎮國將軍。尋擢兵部尚書。是年冬。隨定國大將軍豫親王多鐸南征。至潼關。連破流賊第一營第二營。旋同梅勒章京宜爾德。侍郎尼堪等。統外藩蒙古兵。由南陽路趨歸德。降一州四縣。乘勝渡淮。取揚州。同固山額真宗室公拜尹圖。公圖賴。昂邦章京阿山。指授方畧。拔其城。五月。同貝勒博洛。趨杭州。適有嘉